

祿不及子，於其隆退，式當悲吟，竊見宗門賜姓者多，臣意所欣在平朝臣，請除非女子所有男兒，皆賜平朝臣姓，亦復諸姪希望者，同預於此矣。願骨肉於天然，深愛雖存，添塵涓於國用，篤誠傾企，至是許之。

〔三代實錄清和〕貞觀四年五月廿二日己丑，左京人正六位上坂井王，賜姓清春真人，磯城親王五代之孫也。

〔三代實錄清和〕貞觀七年六月十六日乙丑，左京人六世無位三坂王，賜姓淡海真人，河島王子裔孫也。

〔三代實錄清和〕貞觀七年六月廿三日壬申，左京人正六位上坂井王，賜姓清春真人，磯城皇子之裔孫也。

〔三代實錄清和〕貞觀十三年閏八月十六日己未，左京人散位從五位下有道王男二人，女二人，姪，女一人，賜姓清原真人，舍人親王之後也。

〔三代實錄清和〕貞觀十三年閏八月廿九日壬申，左京人有氏王，賜姓清原真人，其先舍人親王之後也。

〔三代實錄清和〕貞觀十五年七月廿八日庚寅，左京人成相王，後相王，賜姓高階真人，其先高市皇子之後也。

〔三代實錄清和〕貞觀十五年九月廿七日己丑，右京人正六位上藤山王，三原王，長栖王，長峯王，長良王，忠峯王，正峯王，豐峯王，男女十九人，賜姓文室真人，其先出自淨御原天皇武。第二皇子，左京人辛身王，賜姓平朝臣，賀陽親王之後也。

〔三代實錄清和〕貞觀十五年十一月十一日壬申，左京人善常王，直道王，今道王，賜姓清原真人。

〔三代實錄清和〕貞觀十六年十一月廿一日丙午，從五位上守刑部卿兼行加賀守茂世王，上疏請賜男從五位下好風等姓，曰：茂世天潢餘流，若木片枝，賴此明時，夙預列位，負乘之責，無地逃身，叨

濫之慚，何施眉目，闔門大小，徒費府帑之資，中心寤寐，未得酬答之由，當今上則一世，或除宗正之譜，下則諸王，除編京兆之籍，是固救國家之衰耗，存公平之至計也。茂世誠雖頑黷，久美此義，伏望件好風真